

四庫全書

史部

欽定四庫全書

欽定大清會典卷七十四

工部

都水清吏司

河工

水利附

凡河道工程黃淮二瀆為大運河次之永定河
又次之及南北條諸川湖淀附流入海分流濟
運者咸受治焉

凡職掌江南河道總督一人掌黃淮會流入海
洪澤湖汕黃濟運南北運河洩水行漕及瓜洲
江工支河湖港疏濬隄防之事所屬河庫道一
人掌出納河帑淮徐河道一人轄銅沛邳睢宿
虹桃源同知四人豐蕭碭宿遷運河通判二人
二十四汎州同州判各一人縣丞五人主簿十
有二人巡檢七人分管

詳見
則例

淮揚河道一人轄

山清裏河山清外河山安海防江防同知五人

高堰山盱桃源安清中河揚河揚糧水利通判
六人三十八汎州同州判各三人縣丞十有四
人主簿十人巡檢八人又西溪司安豐司管河
巡檢各一人十四牘牘官十有一人分管
詳見則例
河營叅將一人統轄淮徐淮揚各營淮徐河營
游擊一人轄九營守備九人二十一汎千總八
人把總十有三人淮揚河營游擊一人轄十一
營守備十有一人二十六汎千總九人把總十

有七人葦蕩營叅將一人轄左右營守備千總
把總各二人○山東河南河道總督一人掌黃
河南下汶水分流運河蓄洩及支河湖港疏濬
隄防之事所屬山東運河道一人轄運河沂鄆
海贛同知二人洳河捕河上河下河泉河通判
五人二十八汎州同州判各三人縣丞十人主
簿十有二人分管詳見則例分理泉河州同二人府
經歷三人縣丞六人巡檢一人四十八牘牘官

三十一人充沂曹兼管黃河道一人轄曹單黃
河同知一人四汛縣丞一人主簿二人巡檢一
人黃運河營守備一人轄七汛千總五人把總
二人東昌德州二衛管河守備各一人德州運
河南北兩岸管河千總各一人河南開歸陳道
一人轄上南河下南河同知二人儀考商虞通
判二人十二汛州判一人縣丞七人主簿四人
彰衛懷道一人轄懷慶黃河開封上北河下北

河同知三人彰德河務衛輝鹽河懷慶河務曹
儀河務通判四人二十汛縣丞八人主簿十人
巡檢二人又林縣管河典史一人豫河懷河二
營守備各一人協辦守備各一人轄七汛千總
四人把總三人○直隸總督兼河道總督一人
掌漳衛入運歸海永定河歸淀疏濬隄防之事
所屬永定河道一人轄石景山永定河南岸北
岸同知三人三角淀通判一人十五汛州判三

人縣丞主簿各五人吏目二人通永河道一人
轄北運河務關同知一人北運河楊村薊運糧
河通判二人十三汎州同一人州判四人縣丞
三人主簿五人天津河道一人轄南運河津軍
河間河捕同知二人泊河子牙河通判二人西
汎清河故城吳橋管河縣丞各一人東汎景州
滄州管河州判各一人天津管河縣丞一人東
光交河南皮青靜海獻管河主簿各一人青縣

管河巡檢一人清河道一人轄保定河務同知
一人正定糧馬河通判一人分汎冀州祁州安
州管河州判各一人武強隆平寧晉兼管河務
知縣各一人清苑蠡高陽新安雄安肅新城管
河縣丞各一人保定任邱唐管河主簿各一人
滿完方順橋管河巡檢各一人深澤管河典史
一人大廣順河道一人轄廣大漳廣平河務漳
河同知三人分汎永年邢臺沙河南河平鄉廣

宗鉅鹿唐山內邱任元城大名魏東明長垣兼
管河務知縣十有五人元城大名魏長垣管河
縣丞各一人永年成安管河典史各一人永定
河河營守備一人轄南北岸淀河三汛千總把
總各一人石景山汛千總一人北運河汛千總
把總各三人南運河汛千總一人把總八人東
淀堡船千總一人西淀堡船把總一人

凡河兵各有定額

詳見兵部營制

於綠旗營兵之外別

自為伍專屬河工調遣及守汛防險之事其分
戰守給餉仍如綠旗營制惟江南葦蕩營河兵
專司樵採不與雜役

凡夫役江南山東河南設堡夫山東江南設牐
夫直隸山東設淺夫河南設柳船長夫椿埽夫
山東設徭夫泉夫壩夫軍夫橋渡夫直隸設袂
夫防夫各隨其地之宜其食於官也則視役之
輕重以為差山東運河屆疏濬之年按其工之

大小別募夫役工竣則止

凡工式蓄洩隨宜曰牐蓄洩以漸曰涵洞束水
曰隄隄外重以隄曰遙隄隄外築隄俾河流遶
越而過曰越隄亦曰月隄兀立者曰縷隄截流
曰壩洩漲者曰滾水壩曰竹絡壩銳出河流以
分水勢者曰磯背壩護隄曰埽埽有魚鱗龍尾
丁頭之別護埽曰障障有六楞三楞排木之異
他如以導大溜則有木龍柳蔕以濟覆舟則有

救生椿木均如式建置限年保固

凡經費各工有修防之費有俸餉之費有役食之費有歲報圖冊之費江南河工有歲增五寸之費山東有疏濬運河之費各有常額江南以河庫道河南以開歸陳道彰衛懷道山東以運河道直隸以天津道通水道永定河道清河道大名道掌其出納歲要其數於河道總督覈實奏銷侵蝕者論

凡物料葦柳秫稽論束檉麻論斤土論方輒論塊石料分雙單椿木別杉楊下至石灰米汁釘鐵之屬各有定則有額者歲辦如額無額者如其需用之數購備均按則給價剋扣浮冒者論凡修防以工程告竣保固限滿交汛之日為始其工當衝溜須用長椿大埽歲加鑲築費有定額者曰歲修或河流遷徙及三汛屆臨偶被刷損隨時搶護工費在五百兩以內者曰搶修江

南黃運河隄工每歲增高五寸亦曰歲修其覈費具題也歲修以十月搶修無定期題銷均以次年之四月逾限者論別案大工不在此限

凡三汛歲以清明節閱二十日為桃汛自桃汛後至立秋前為伏汛自立秋至霜降為秋汛屆期該管官弁督率兵夫多備物料晝夜分防有警則鳴金為號集附近兵夫協力搶護如汛臨工固河道總督馳奏安瀾

凡疏濬河道面必廣底必深運土必於隄內無
隄者以去河百丈為率運河歲小濬間歲大濬
黃河無定期遇沙停淤積即為濬治其法或以
勺或以刮版或以浚船皆因地制宜不拘器具
凡浚船以疏濬河道柳船以濟運物材袋船與
浚船同石船與柳船同均以三年小修五年大
修更造則河南江南以八年直隸以十年

凡保固黃河工程限一年運河限三年江南河

東同直隸南運河限三年北運河限二年永定
諸河險工限一年平易工程並限三年均以報
竣之日起限限內衝決責承修官暨督修官賠
修不修治以罪限外衝決守汛官弁暨該管文
武官沿河州縣皆分別議處

凡葦柳議叙河工官弁於沿河隙地捐資種植
葦柳小楊備用者葦以一頃柳以五千株楊以
五百株計算各紀錄一次按數遞加葦至四頃

柳至二萬株楊至二千株者各加一級居民捐種葦柳小楊至官弁應議加一級之數者各予以九品頂帶榮身葦蕩營餘葦至十萬束以上者議叙不及數者分別議處

凡禁令牘官非時啟閉糧船不候會牌官民船不遵漕規擅自爭放並頑民包攬夫役盜決河防或傍隄驅車占隄蓋房者均有禁違者並論如律

凡水利直省河湖淀泊川澤溝渠有益於民生者以時修治務令蓄洩隨宜旱潦有備以府州縣丞倅佐貳董其役各給以管理水利職銜

海塘

江防附

凡海塘江南以蘇松太道浙江北塘以杭嘉湖道南塘以寧紹台道掌其修防之政承以府丞倅分理以州縣佐貳等官事關題奏均由督撫凡塘工皆以石其非潮汐衝撼之所間用土工

或用柴工均如式建置限年保固物材價直率
與江南河工同

凡歲修歲以冬至前該管道察其境內塘工之
應修治者計費以申於督撫督撫覈實迺率屬
興工工竣限四閱月奏銷每歲俸餉役食之費
咸入奏焉

凡塘汎沿塘十里或五里為一汎每汎設一斥
堠在汎各兵晝夜分巡以資防守

凡夫役江南設塘長每塘四里或五六里設一
長浙江設堡夫北塘一里一夫南塘二里一夫
皆令在塘主守遇柴土各工偶有刷損即為補
治歲給役食有差

凡江防四川以成都府同知湖廣以武漢黃德
道上荆南道下荆南道江西以九江府同知掌
其修理均無定期如所屬隄岸工程偶被衝刷
該管道廳即履勘計費以申於督撫督撫覈實

具題興工工竣報銷惟江南瓜洲江工歲修由

江南河道總督奏銷

詳河工
典則

橋道

凡都城街道十有六外曰正陽門街曰崇文門街曰宣武門街曰左安門街曰右安門街均南北為衢曰廣寧門街曰廣渠門街均東西為衢內曰崇文門街曰宣武門街曰安定門街曰德勝門街曰地安門街均南北為衢曰朝陽門街

曰阜成門街曰東直門街曰西直門街均東西
為衢坊二十有四在正陽門外正陽橋者以橋
名坊朝陽門外達東郊

日壇神路者曰景升阜成門外達西郊

月壇神路者曰光恆

舊均名
禮神街

安定門外達北郊

方澤壇者曰廣厚

舊名
泰折

東西長安街均以街名坊

大清門東曰敷文西曰振武崇文門內曰就日宣
武門內曰瞻雲東大市街南北均以街名坊東

曰履仁西曰行義西大市街與東大市街同太學東西皆曰成賢府學東西皆曰育賢

帝王廟東西皆曰景德其界則外屬五城內隸八旗平治由步軍統領繕修均由部○直省坊衢之政各由地方有司掌之禁侵占時修理其工要而費鉅者並準動帑修造報部覈銷

凡都城橋梁內外跨

御河者十護

禁城者十有五水陸大小橋梁三百有七十均由
部時其修理以利行人○直省府州縣治護城
河均設橋梁與

京師同其津要之處隨宜建置動帑者按則報銷
凡除道恭遇

乘輿出入九門以內由步軍統領九門以外由大興
宛平縣令先期清

蹕○

巡幸直省由地方有司平治

御道嚮導大臣暨隨

駕之本部堂司官察勘

凡柵闌

禁城內外共千七百二十有六以司啟閉遇有損

壞內城由八旗外城由三營各申步軍統領咨

部修葺

凡水溝周通

京城大小衢巷以洩夏秋潦水歲以暮春或季秋
司坊官旗弁各列內外城應疏溝道呈步軍統
領募夫濬治工竣由部委官察勘

船政

凡糧船山東河南江蘇安徽浙江每船長七丈
一尺濶一丈四尺四寸江西湖廣長十丈短者
九丈每造一船給工料銀二百八兩由部準戶
部移咨覈覆興工各令本省糧道監造造後出

運十年報部題銷

修理及更造年限詳戶典漕運

凡戰船每船長十有一丈至一丈九尺濶二丈三尺五寸至九尺六寸各有差天津山東福建船均屬外海江西湖廣均屬內河江南浙江廣東分屬外海內河外海定限三年小修六年大修九年再大修不堪修者更造內河三年小修八年大修十一年再小修十四年再大修不堪修者更造修造之費有正價有津貼正價各以

其直無定額津貼每正價百兩自加四加六加
八至加倍倍半有差由部準兵部移咨覈覆修
造各令本省道員會同副叅等將弁監造工竣
報部題銷

凡水驛船江蘇安徽江西湖廣廣東均定限三
年小修五年大修十年更造其湖廣之宣樓船
每歲一修更造同浙江四川大修以六年小修
更造同廣西小修以三年更造以五年工料銀

小修自一兩七錢至九十七兩大修自二兩九錢至一百九十一兩更造自六兩九錢至二百九十四兩歲修湖北二十一兩湖南十有六兩各有差由部準兵部移咨覈覆修造工竣會兵部題銷

凡應差船江南定限三年小修六年中修九年大修十二年更造浙江三年小修六年大修十年更造工料銀小修自十有九兩至六十八兩

中修自七十三兩至九十四兩大修自二十九兩至一百五十九兩更造自九十七兩至二百六十兩各有差由部準督撫移咨覈覆修造工竣報部題銷

凡直省河海江湖及灘汎危險之處各設救生船修造年限視內河戰船各省同惟山西之河津甘肅之歸德所船無修限率數年一造工料銀小修自二兩二錢至二十七兩大修自四兩

三錢至四十五兩更造自七兩七錢至七十九兩各有差由部準督撫移咨覈覆修造工竣報

部題銷

凡直省水陸通衢有浮梁

亦名橋船

有渡船或歲修

或限年修各省不同更造率以十年惟浙江尖

山浮梁以二年四川通西藏渡船以三年福建

廣東海口渡船修造與戰船同並準動帑辦理

由部覈銷

藏冰

凡伐冰取諸

御河及龍王堂蓮花池歲以冬至後半月部委司
官一人募夫伐冰取其明淨堅厚者以方尺有
五寸為塊

凡納冰

紫禁城內窖五藏冰二萬五千塊

景山西門外窖六藏冰五萬四千塊德勝門外窖

三藏冰二萬六千七百塊以供各

壇

廟祭祀暨

內廷之用德勝門外土窖二藏冰四萬塊

正陽門外土窖二藏冰六萬塊以供公廨官學及

各門各監獄官設暑湯之用

凡工費計塊酬直以納於

紫禁城內及各門外為差如藏冰不敷用從市採

買以夏月及秋月為差均由部給發

凡畿輔藏冰以供

陵寢祭祀

昭西陵由遵化州薊州

孝陵

孝東陵由豐潤縣

景陵由遵化州

妃園寢由薊州

泰陵由易州

孝賢皇后陵寢由豐潤縣均豫年伐藏

凡

車駕巡幸直省均由地方有司供用無常數惟熱河
定冰二千塊喀喇河屯三百塊巴克什營兩間
房長山峪樺榆溝中關小營波羅河屯各百塊
均豫年伐藏

欽定大清會典卷七十四

欽定四庫全書

欽定大清會典卷七十五

工部

都水清吏司

器用

凡表函

皇帝恭進

皇太后表文函高三寸長尺有六寸廣六寸杉木質黃

髹繪金雲龍文上

皇太后奏書函高二寸一分長尺有一寸五分廣五寸

八分杉木質糊以黃雲龍綺王公百官恭進

皇帝表文函高六寸長尺有八寸廣五寸五分杉木

質糊以黃綾恭進

皇太后表文

皇后箋文同

凡尊藏

實錄金匱高四尺五寸廣四尺一寸五分縱二尺二寸
枅木質裏以銅塗金琢雲龍文內貯格四及裏
均糊以黃縐

凡尊藏

玉牒匱廣四尺深三尺九寸箱廣三尺一寸深尺有九
寸高視卷帙以為度每屆纂修之年各依成式
增高六寸杉木質黃髹者匱二箱四朱髹者匱
二箱六均繪金雲龍文

凡歲藏

記注匱高二尺長二尺五寸廣尺有六寸松木質

朱髹

凡啣

詔金鳳高二尺一寸五分承以朶雲廣三尺四寸均

銅製塗金

凡

詔

勅均用黃紙

詔書表裏二層

勅書三等龍香箋表裏四層畫龍箋三層印龍箋二層

殿試金榜與

詔書同

凡世襲佐領印軸黃紙製表裏二層高尺有五寸五分長數丈至數十丈有差四周作螭文緣

以色綾軸端用紫榆木

凡功牌五等均白紙製表裏二層一等功牌長三尺六寸五分二等三尺三寸五分三等三尺有五分四等二尺八寸五分五等二尺六寸五分均高尺有五寸五分餘制與印軸同

凡糊飾

太和殿

保和殿

中和殿

文華殿牖牖用朝鮮貢紙歲一糊飾博縫用黃綾

二年一糊飾各

壇

廟牕牖路銓由太常寺移文外藩王公外國貢使館舍

由禮部理藩院移文到部委官糊飾

凡設案

朝會慶賀諸典禮設

表案

經筵設

御書案講案

頒賞設賞案

賜燕設食案考試設閱卷案準各該衙門移文供用
凡簪花進士赴

恩榮燕用金飾銀花一枝采花五百枝各筵燕及安

吻上梁需用銀花均準禮部移文置造供用

凡公署館舍日用器物及

欽差官恭齋

詔

勅籥箱鎖鑰之屬均詳具明目由部覈給○造作器

用需用竹木砂石由部行直省出產州縣採買

解送

織造

凡祭帛七等曰郊祀制帛曰告祀制帛其色青

黃曰奉先制帛色白曰禮神制帛青赤黃白黑
五色曰展親制帛曰報功制帛均色白各制帛
名皆織清漢文於帛端曰素帛無文歲由江寧
織造入貢輸部以供太常祭祀之用

凡誥勅軸

誥曰奉天誥命

勅曰奉天勅命皆織清漢文於軸端繞以龍文

誥命四品以上用五色紵絲五品以下三色

勅命用白綾一品玉軸鶴錦面二品犀軸螭錦面三
四品裏金軸五品角軸均花錦面六品以下軸
同五品小團花錦面

凡校尉服色供

壇廟及

宮殿之役者服遜衣舁輦輿用紬執事用絹色赤
織團花文

凡采繪織染五色以供

國家慶典

耕藉

親蠶祭祀筵燕及各公署典禮張幔結采之用

關稅

凡天下關津榷務戶部掌之其隸工部者專稅
竹木商旅輻輳之地間榷船貨皆因地制宜

凡直省工關應徵木稅悉收折色惟

盛京寧古塔或十五取一以供工作或十取其一

變價解京

凡工關稅額以乾隆十八年奏銷冊計之歲入

二十七萬千五百四十六兩有奇潘桃口七千

六百四十五兩古北口千十有二兩殺虎口七

千六百四十六兩武元城千二百三十一兩寧

古塔輝發穆欽等處三百七十兩各有奇軌版

牘四千五百七十二兩

臨清關
兼管

龍江關五萬七

千六百有七兩

西新關
兼管

宿遷關四萬八千八百

八十四兩

淮關兼管

瓜儀由牖七千六百六十六兩

揚關兼管

蕪湖關七萬一百四十六兩南新關三萬

二百四十七兩

北新關兼管

荊關萬七千十有九兩

辰關萬二千五百兩渝關五千兩

夔關兼管

凡工關解餉潘桃口古北口殺虎口歲入節慎

庫餘輸戶部歲要其成定殿最以

聞

凡司榷務或戶關并攝或由部疏請京差監督

或督撫奏

聞委官專司或以將軍織造兼管制如戶部

凡竹木經過關津驗量得實各按時地以權徵
權之平部頒科則規條諸關刊榜昭示俾吏不
能欺有匿稅者論如法

凡司關歲領部冊曰循環簿親填簿稽考簿皆
排次月日按實備書條析無遺歲終申部以待
覆覈法與戶部各關同

欽定大清會典卷七十五

欽定四庫全書

欽定大清會典卷七十六

工部

屯田清吏司

山陵

永陵在

興京啟運山距

盛京二百四十里

福陵在

盛京天柱山距

盛京二十里

昭陵在

盛京隆業山距

盛京十里

規制見
京工部

盛

孝陵在遵化州昌瑞山距

京師二百四十里

孝陵居中東南

昭西陵東

孝東陵又東

景陵

泰陵在易州永寧山距

京師二百八十里

孝賢皇后陵寢在遵化州昌瑞山

孝陵之西

凡

山陵規制甃石為地宮築以黃土環以

寶城前起方城覆以崇樓上題

陵名內碑一鐫

廟號方城階下設祭臺上陳石香鑪一燭臺花餅各二

祭臺前二石柱一門朱櫺又前琉璃花門三為

陵寢門前為

隆恩殿重檐五間殿中設暖閣

寢室如

太廟制東西廡各五間左右燎鑪各一前為

隆恩門五間三門繚以朱垣門外東西廂各五間守護

官軍班房東西各三間前為

神道碑備鑄

尊謚廟號覆以亭皆繪五采飾金亭前石橋三橋左右

下馬石牌各一宰牲亭神廚神庫井亭皆繪采

橋南神路正中龍鳳門門外兩旁班房各三間

文臣武士及麒麟獅象馬駝等石像左右序列
前為望柱二又前石橋一橋前

聖德神功碑覆以崇樓擎天柱前後各二

神路前為

大紅門門三繪采脊四下左右角門二門南石坊一

東西石坊二左右下馬石牌一大紅門內左為

具服殿三間繚以周垣門一殿三間均西嚮皆覆

以黃琉璃為

乘輿更衣之所

凡

神路兩旁封以樹十株為行各間二丈周垣之外
植紅柱以為界限禁樵採耕種

凡

園寢規制

妃

皇太子均以石

嬪貴人以甎為墻均砌月臺上築土為塚各以位次序列前為琉璃花門三前

饗殿五間東西廡各五間燎鑪一前為門三間均覆綠琉璃繪五采飾金繚以周垣大門外東西廂各五間官軍班房各三間朱飾門前石橋一凡

陵寢工部設郎中員外郎專司歲時祭饗之事先期赴部請領庫帑覈給供應事竣報銷

凡

陵工修葺總理員勒大臣等歲以冬十月察明應修之所彙疏下部委官確勘計費以聞春融部遣官會修工竣覈實題銷其有急需葺治者隨時專案疏請部遣官估修亦如之

凡

陵工歲需甃瓦灰石悉於去山遙遠無關龍脈之地酌定處所燒造採取以資修造之用

凡

陵寢廡舍營房

昭西陵

孝陵

孝東陵

景陵

孝賢皇后陵寢及

妃園寢守衛貝勒公官員執事人役共府第舍宇

三千八百三十三間八旗官兵營房千三百五十九間馬蘭鎮官兵營房千三百有八間

泰陵及

妃園寢守衛貝子公官員執事人役共府第舍宇千二百七十八間八旗官兵營房三百七十三間泰寧鎮官兵營房二千有五十五間遇有應修兩鎮由直督餘由

皇陵工部皆確估咨部工竣覈銷

墳塋

凡墳塋饗堂親王五間世子以下至輔國公皆
三間親王世子郡王門三貝勒以下門一親王
繪五采飾以金覆以綠琉璃世子郡王止繪五
采皆覆綠琉璃瓦貝勒以下施朱不繪用甀瓦
凡墓碑親王至輔國公皆交龍首龜趺惟郡王
以上得建碑亭鎮國將軍螭首輔國將軍麒麟
首奉國將軍天祿辟邪首皆龜趺奉恩將軍圓

首方趺

凡墳院親王周百丈世子郡王八十丈貝勒貝子七十丈鎮國輔國公六十丈鎮國輔國將軍三十五丈奉國奉恩將軍均三十丈

凡守塚人親王十戶世子郡王八戶貝勒貝子六戶鎮國輔國公四戶鎮國輔國將軍二戶

凡固倫公主墳塋規制視世子郡王和碩公主郡主視貝勒貝子縣主郡君縣君視鎮國公

凡公侯伯墓碑視鎮國將軍墳院四十丈守塚
人視輔國公一品官墓碑視鎮國將軍二品官
視輔國將軍墳院守塚均視鎮國將軍三品官
墓碑視奉國將軍四五品視奉恩將軍墳院同
守塚皆一戶

凡建墳立碑自宗室王公將軍五等世爵至一
二品官皆給費由本家營造以爵秩為差三品
官以下歿於王事者視加贈官品給與

凡古昔帝王聖賢忠烈陵墓令直省督撫飭所
在州縣官防護修葺歲終冊報由部覆覈以

聞

薪炭

凡

內廷歲需薪炭各設廠委官豫期給價以時儲備
遞年盈縮由內務府經理部稽其出入歲終彙
覈奏銷

凡

車駕巡幸行營所需薪炭先期定數飭知地方有司

動帑豫備事竣報部覈銷

凡

壇

廟需用薪炭太常寺隨時咨部取給

凡

陵寢歲需薪炭守土官以時供應彙數報銷

凡在京衙署及文武會試外藩賓館需用薪炭均按經制定數憑文支給

凡薪炭兩廠各設監督鑄給關防以董其事歲周更代

凡開採煤窑如出邊關隘口者均酌指處所報部給票與內地官山各輸常課民業聽之其不遵禁約私擅開採者論如法

匠役

凡

內廷工程需用匠役監工官選樸實有身家者為夫頭召募匠夫責令具結備案人給腰牌稽察出入不奉法者懲逐有竊匪隱藏工所夫頭不舉者論如法

凡匠役之畱部待用者遇有營造量予工直閒日按月給米夫役廩食於各司及庫廠者月給銀米皆按季關支各有差若臨時召募工匠及

暫雇夫役計日給直均有定價

凡食糧匠役設有定數營繕司九十七名虞衡司五十九名都水司百有八名屯田司十有六名各司庫局隸役七十九名其支領銀米均會覈應給之數造冊移戶部關支虞衡司庫硝黃庫濯靈廠庫丁二十四名每三歲各給羊裘由製造庫辦給


節慎庫

凡收納帑項每歲奏支戶部庫帑十萬兩或二十萬兩貯庫潘桃古北殺虎等口木稅密雲縣出口炭稅山東河南江南建曠裁夫存銀均解部由各司於文到日覈數移庫解官赴庫交收寶源局歲鑄錢按月按卯各工營造費餘按限均輸庫以備支發

凡支發帑項各工所物價工直均由各司各庫覈明應給之數具領移庫按數給發戶部移取

寶源局錢配發兵餉按月支給歲以三十六萬
緡為度

凡奏銷帑項月要其數具奏歲終則會計一歲
發存畱之數列冊具疏以



凡遇大興作庫存帑項不敷用度隨時疏請咨
戶部移取備支工竣奏銷

欽定大清會典卷七十六

欽定四庫全書

史部

欽定大清會典卷七十九至

詳校官檢討臣劉 忻

編修臣程嘉謨覆勘

總校官進士臣楊懋珩

校對官編修臣沈清藻

謄錄監生臣馮萬程

欽定四庫全書

欽定大清會典卷七十七

工部

製造庫

凡製

寶盞印盞

皇帝寶盞高九寸方八寸五分寶色池高三寸四分

方六寸四分均金製盞鏤花草文外積高尺有

三寸方尺有二寸櫝架高二尺一寸方尺有八寸均枅木製朱髹櫝繪金雲龍架雕龍文袂墊均用黃綺○

皇太后

皇后寶盃高七寸八分方八寸寶色池高二寸方四寸八分均金製外櫝繪龍鳳文餘制及袂墊與

皇帝同

櫝繪鳳文○

皇貴妃

貴妃寶蓋金製寶色池銀製金飾櫝均杉木架均

撥木朱髹金飾

皇貴妃繪鸞鳳文袂墊用金黃色○

貴妃繪雲鳳文袂墊用金黃色○

妃印盞印色池制如

貴妃○親王世子寶蓋高七寸八分方八寸寶色

池高二寸方四寸八分均銀製金飾櫝繪斗牛

雲文袂墊均絳綺郡王印盞印色池皆銀製餘

如親王

凡製

冊

皇太后

皇后金冊十頁高七寸一分廣三寸二分每頁重十
有八兩聯以樞紐面鈎升降龍文內函高九寸
長一尺廣六寸五分外櫝高尺有三寸長尺有
三寸五分廣一尺架高二尺一寸方一尺八寸

均柎木製朱髹金飾繪龍鳳文

皇后 襖墊

均黃綺○

皇貴妃金冊十頁每頁重十有五兩 櫝以杉木架以椶木製朱髹金飾繪鸞鳳文餘制同○

貴妃金冊如之 櫝繪雲鳳文 襖墊用金黃色○

妃金冊每頁重十有四兩八錢 餘制同○

嬪金冊四頁每頁重十有四兩六錢 有奇 襖墊用絳綺 餘制均同○ 親王世子冊均金製十頁每

頁重十有五兩積繪斗牛雲文袂墊均用絳綺
郡王冊銀製金飾十頁每頁重十有四兩餘與
親王同貝勒貝子冊均紙製十頁高尺有一寸
廣七寸五分繪金雲龍表裏飾黃繒鎮國公以
下奉恩將軍以上給

誥紙製高一尺長丈有六尺繪金龍玉軸牙籤○公
主金冊四頁餘制如親王親王世子郡王福晉
冊皆四頁餘各視其夫冊之制貝勒貝子夫人

郡主縣主郡君及外藩王公均紙冊制同○文
武官功封世爵給

勅長一丈黃紙龍邊

皇冊匣五均皮製高一尺五寸四分廣一尺深無定
數視冊之多寡厚薄以為度蓋高三寸五分廣
一尺有三分邊角均周緣以銅及搭環飾件均
塗金鉤花上面暨前左右繪金龍七後繪寶相
花黃皮為攜帶塗金銅鎖鑰各一左懸鑰匙牌

右懸編次銅牌祇用黃綺銷金團龍

凡製宣讀

冊寶加上

徽號

冊立

冊封諸典禮均仿金

冊寶印之式紙製

冊面飾黃綺

寶飾黃繒盃用黃色者雲龍五采綺面繒裏用金黃色者雲綺面繒裏

凡製

玉冊寶升祔

太廟

玉冊十頁每頁高九寸廣四寸五分厚四分聯以黃組中鐫清文五頁漢文三頁前後二頁鏤升降行龍冊文填青

廟號填金玉錢一徑二寸厚六分孔方五分鑄天下太平清漢文填以金青二色

玉寶臺方廣五寸厚一寸九分鑄清漢文交龍紐泥金高二寸六分寶色池金飾高一寸三分方六寸一分寶盞方八寸六分高尺有六分外攢方一尺一寸三分高一尺三寸二分冊函長一尺有七分廣六寸六分高九寸七分外攢長一尺三寸九分廣九寸高尺有三寸三分均柶木製朱

髻繪金雲龍雲鳳袂墊皆用黃綺○恭上

尊謚

冊謚追封宣讀

冊寶均絹製

陵寢地宮

冊寶檀香製制與

玉冊寶同

凡鹵簿之制

皇帝鹵簿有四曰大駕鹵簿曰法駕鹵簿曰變駕鹵簿曰騎駕鹵簿制均有辯

大駕鹵簿

玉輦

惟大駕用之
餘不用

穹頂高二尺方六尺二寸飾天

青色前後左右各嵌圓花蒼玉一上安金頂青

綺為重檐繡金雲龍屋高五尺三寸方五尺柱

繪金龍門高四尺八寸廣二尺三寸五分中設

飾金雲龍寶座氊幃青色夏易朱簾輦座高二

尺四寸上方七尺六寸下方七尺七寸朱髻繪
金四周朱闌四中轅二長三丈八尺五寸外轅
二長二丈九尺朱髻前後飾金龍首尾昇以三
十六人合法駕鑾駕騎駕鹵簿全設

其制分詳
各鹵簿內

法駕鹵簿

金輦頂飾泥金嵌金版四檐幃均黃色屋高五
尺方四尺九寸中二轅長二丈八尺一寸外二
轅長二丈六尺一寸昇以二十八人餘如玉輦

玉輅穹頂形圓高三尺一分飾天青色四面嵌
蒼玉各一上安塗金頂高一尺二寸九分下環
鏤金雲龍版百六十有二疊為三成檐綺如頂

色

後各輅同

屋四方高六尺七寸九分廣八尺二寸

五分柱四高五尺八寸四分門高五尺一寸九
分廣二尺四寸九分左右門廣二尺二寸五分
內四周飾金斗拱中設寶座外繞朱闌三輅後
左右太常旗二旗各十有二旂攢竹朱竿左旗

繡日月五星二十八宿右旗繡升龍座下朱轅
二各長二丈二尺九寸五分前設駕象鞬環一
輪二軸一輪各十有八輻皆朱髹飾以釵金花
文輅座去地四尺一寸五分

金輅穹頂飾黃色四面嵌金版各一左右二旗
各繡黃色升龍餘制如玉輅

象輅穹頂飾赤色高二尺六寸五分四面嵌象
牙版各一屋高六尺四寸九分廣八尺九寸五

分柱高五尺五寸四分門高五尺九分廣二尺
四寸五分左右門廣二尺二寸五分座上朱闌
四太常旗左繡朱鳳右繡升龍座下朱轅三各
長二丈五寸九分駕馬八前設引馬游環一馬
項繫鈴齋戒日則輟輅座去地三尺四寸五分
餘制如玉輅

革輅穹頂飾銀色高二尺五寸五分四面嵌黃
色羊皮版各一屋高五尺五寸九分廣七尺九

寸五分柱高五尺四寸五分門高五尺廣二尺
二寸五分左右門廣二尺一寸九分左旗繡金
虎右旗繡升龍下轅二各長丈九尺五分駕馬
四餘制如象輅

木輅穹頂飾黑色高二尺六寸一分四面嵌花
梨木版一屋高六尺五分廣八尺八寸柱高五
尺八寸門高五尺二寸廣二尺二寸五分左右
門廣二尺二寸闌制如玉輅左旗繡龜蛇右旗

繡升龍轅三各長二丈五寸駕馬六餘同象輅
禮輿高五尺八寸五分廣三尺深四尺重頂高
一尺三寸上層八角下層四方皆髹金垂繡金
龍黃綺重檐每角飾金蹲龍計十有二上安釵
花金頂嵌珊瑚青金綠松等石內天井飾蟠龍
一柱四高二尺八寸均繞以刻金盤龍一門端
鏤金雲龍二左右塗金龍闌干均平傳直轅之
上前轅下左右金蹲龍各一仰承直轅飾以黃

綺紗氊幃各一隨時施設中設金盤龍寶座高一尺七寸廣二尺七寸直轅二各長丈七尺六寸五分大橫竿二各長九尺小橫竿四各長三尺五寸肩竿八各長五尺八寸撐竿二各長三尺皆髹以朱繪金雲龍兩端飾以釵金龍首尾昇以十有六人○儀象五施錦韉金勒各負塗金銅寶璘一仗馬十色純白飾金鞍玉勒錦韉黃韁拂塵二朱氂為之柄長二尺一寸二分金

提鑪二兩耳三足蓋鏤蟠龍上懸天盤鈎三金
索以繫鑪舉以朱竿兩末雕龍首尾塗金香合
二橢圓形高三寸五分大徑六寸三分小徑四
寸二分洗一高四寸五分徑尺有五寸水盂一
高五寸徑四寸五分大餅一高尺有五寸七分
小餅一高尺有四寸五分均赤金質銀雲龍珠
火瑞草嵌珊瑚青金綠松等石

以上各陳於朱
髹金龍八角盤

承以朱髹金龍
方几藉以花毯

金交倚一廣二尺二寸深尺有

一寸前高尺有八寸二分後高三尺一寸柟木
髹金倚背嵌鍍金雲龍足踏一金髹金方几一
柟木髹以金繪雲龍高尺有五寸方尺有八寸
面飾鍍金角雲儀刀二十純鋼為刃柄長三尺
七寸三分鞘用綠皮鍍金玲瓏飾件弓矢橐鞬
各二十弓各一弓鞬長二尺三寸三分矢各十
有二矢箠長尺有一寸四分矢鏃長三寸筈長
三尺豹尾槍二十長丈一尺有七分攢竹朱竿

繪金龍純鋼為槍首槍帽黃髯繪五彩龍文下
垂朱髦懸豹尾長三尺三寸及四鐵質長尺有
四寸八楞鍍金龍文攢竹為柄繪金龍長八尺
戟四純鋼為直刃旁為曲刃承以鍍金龍口柄
與及同曲柄黃蓋四高丈二尺二寸頂徑五尺
冒以九龍黃綺三檐綴金鈴四十有五頂高尺
有一寸蓋橑三十有二弓竹鐵相間攢竹為棹
棹曲處雕木塗金龍首仰承上宇翠華蓋二冒

以綠綺三檐繡孔雀羽紫芝蓋二紫綺三檐繡
五色靈芝頂皆嵌青金綠松紅寶石餘制同曲
蓋九龍直柄繖二十黃色十有二青赤白黑色
各二均直柄飾金銀頂各長丈有二尺二寸檐
無金鈴以所用綺色異名餘制與曲蓋同直柄
花繖十五色各二皆垂三檐采織四季花寶相
花文餘同龍繖方繖八紅紫各四頂方五尺垂
三檐上安金頂四角金龍首各銜帔餘制與

直柄繖同壽扇八形圓徑三尺二寸中用黃羅
綺繡字如其名旁繡迴文金字三十亦如其名
背以黃羅綺銷金盤龍攢竹柄朱髻長丈一尺
八寸黃雙龍團扇八單龍團扇八緋色扇如其
數皆高丈有八寸圓徑三尺五寸中用羅綺各
如其色采繡金龍別以雙單餘制同壽扇孔雀
扇八木質高三尺巨腰銳上橢下上廣三寸中
廣二尺七寸下廣二尺冒以綠羅繡孔雀羽朱

竿長八尺八寸雉尾扇八用霞色羅綺環繡雉羽餘同孔雀扇緋羅鸞鳳方扇八高丈一尺二寸扇高三尺四寸廣二尺八寸下廣二尺五寸攢竹柄髻以黑色長壽幢四高大一尺一寸黃綺重檐寶蓋黃紗繡壽字為幢長八尺徑一尺內綴朱纓上覆銅盤四隅出龍首懸銅佩二十間繫銅鈴二十有四皆塗金攢竹柄朱髻高一丈柄首屈銅為鸞頂上安龍首繫銅索以攜天

盤末以鐵為鍍紫幢四以紫紗繡金蝶花為幢
霓幢四以青紗繡五色虹霓為幢制均與長壽
幢同羽葆幢四五色羅綺繡龍為寶蓋下綴朱
髦組以紅絲餘制與各幢同信幡四寶蓋三檐
垂紅羅繡金龍為幡長六尺五寸廣六寸五分
綴以黃綺牌中繡清漢金字如幡名餘如幢制
絳引幡四以五色羅綺繡龍無字制同信幡豹
尾幡四覆以銅蓮寶蓋中垂豹尾長八尺龍頭

旛四青羅為旛竿長九尺八寸五分上刻枅木
為龍首含戟橫木以攜天盤餘制與各旛同教
孝表節旌明刑弼教旌行慶施惠旌褒功懷遠
旌振武旌敷文旌納言旌進善旌各二均以絳
綺為旌長七尺三寸廣六寸五分中綴黃綺牌
各按旌名繡清漢金字竿長一丈攢竹朱髦上
安枅木槍首出鷺頂龍首如幢制金節四黃紗
繡雙龍為衣長八尺廣二尺六寸上安銅鷺頂

鈎攜天盤內綴朱髦五竿長丈有一尺儀鎧髦
四鎧制如雙鉞雕木為之以五色羅綺繡金雲
為髦長廣如幢竿長八尺六寸黃麾四以絳綺
繡龍綴牌繡字制如信旛驍騎纛二十有四正
黃正白正紅正藍各三質長六尺廣四尺鑲黃
鑲白鑲紅鑲藍各三質長四尺二寸中廣四尺
左右廣三尺各以其旗之色用雲綺繪金龍薰
竹為竿長丈有五尺五分朱髹藤固之上安塗

金頂垂以朱髦護軍燾八八旗各一以雲綺為
質長四尺八寸廣上銳下形如三角旁綴以帶
餘制同驍騎燾前鋒燾八八旗各一竿長丈有
五尺上飾金頂冠以豹尾餘制如前五色銷金
龍燾各四皆以雲綺繪龍高五尺二寸斜長九
尺一寸廣六尺四寸五分餘制如護軍燾儀鳳
旗長四尺八寸斜廣八尺五寸下廣六尺五寸
竿長丈五尺二寸五分又翔鸞仙鶴孔雀黃鵠

白雉赤烏華蟲振鷺鳴鳶凡禽旗十各以青素
綺游麟彩獅白澤角端赤熊黃羆辟邪犀牛天
鹿天馬凡獸旗十各以黃素綺均按名繡其形
於旗制均與儀鳳旗同青龍白虎朱雀神武旗
各一用素綺各依四方之色繡其形於旗長五
尺二寸五分斜長九尺下廣六尺四寸五分竿
長丈有五尺五分四瀆旗各一江赤河白淮青
濟黑用素綺均采繡水紋五嶽旗各一用素綺

各如五方之色采繡金線山形五星旗各一按
五行之色用素綺各繡金線星形二十八宿旗
各一均用青素綺各繡本宿星形於旗餘制如
前甘雨旗四用素綺如雨色中繡雲龍緣以黑
素綺竿長丈有五尺二寸五分八風旗八乾坎
艮以黑震以青巽離坤以赤兌以白均用素綺
各繡八卦金文竿長丈有五尺五分以銅為飛
鳶塗金棲竿首五雷五雲旗各五用五色素綺

各繡雲文雷文餘制與嶽瀆旗同日月旗各一
以青素綺繡金烏玉兔形制與龍虎旗同門旗
八以絳素綺繡金清漢門字金鼓旗二以黃素
綺繡金清漢金鼓二字制如日月旗翠華旗二
玉色綺繡孔雀竿頂飾綠素綺繡孔雀羽為髦
餘制同雲雷旗銷金龍幟二十五色各四用雲
綺各如其色長二尺五寸斜廣四尺五寸皆銷
金龍文竹柄朱髹長九尺五寸二分上安槍首

如豹尾槍制出警入蹕旗各一黃素綺繡清漢
金字如其名金鉞六高八尺九寸刻枌木為斧
形承以龍首上出直刃竿長六尺二寸二分星
六高八尺七寸刻枌木為香草六瓣旁珠綴如
星承以龍首竿長六尺五寸立瓜六長七尺二
寸卧瓜六長六尺九寸二分均刻木為瓜形各
卧立於竿首吾仗六長七尺一寸攢竹朱髹瀝
粉金花雲二段各長一尺一寸御仗六各長六

尺九寸攢竹朱髹兩端匝以銅鍍各長一寸六分引仗六以竹為之形如隔漏長五尺三寸廣三寸首置圓木長九寸二分紅燭籠六竹絲為之籠以絳紗承以銅盤舉以朱竿竿上飾金為鉤懸鐙其上捫鼓四十有八匡高六寸四分面徑一尺五寸三分各冒以革竹架朱髹繪五采龍文鼓衣皆紅綠綺銷金雲龍杖鼓四高一尺七寸黑質細腰上下革面徑一尺五分鐵環銅

鈎繫以黃紉餘制如撾鼓拍板四花梨木質上
廣二寸五分下廣二寸八分長一尺四寸厚五
分計六片聯以黃組龍筵十有二截竹為管長
尺有七寸兩端飾金龍首尾畫角二十有四木
質巨腹兩端微銳長五尺四寸六分腹徑四寸
三分黑髹繪金雲龍海馬文金鈕四徑九寸五
分大小銅角各八大者筩長尺有七寸五分口
徑六寸三分小者筩長尺有三寸五分口徑四

寸二分金二以銅為之取以節樂徑尺有八寸
靜鞭四黃絲組之箠末漬蠟柄刻龍首警蹕者
肅焉

鑾駕鹵簿

步輿高三尺三寸廣二尺二寸深一尺八寸地
平廣二尺二寸深三尺均金髹直轅二長一丈
五尺五寸大橫竿二長七尺六寸小橫竿四長
二尺八寸肩竿八長五尺六寸撐竿二長尺有

八寸兩端銅匝塗金昇以十六人雙龍團扇十
高丈有四寸圓徑三尺其黃綺銷金直柄龍織
十五色銷金龍燾十五色銷金龍幟十金鉞星
立瓜卧瓜吾仗御仗各四制均與法駕同

騎駕鹵簿

輕步輿廣二尺二寸深一尺八寸三分高三尺
四寸金髮地平廣二尺二寸深二尺九寸轅二
長丈七尺大橫竿二長六尺七寸小橫竿四長

二尺有八寸肩竿八長六尺撐竿二各長一尺
有七寸均朱髯飾金龍首尾舁以十有六人儀
刀十橐鞬十豹尾槍十制如法駕五色粧花綺
直柄繖十制與法駕花繖同黃羅雙龍扇六絳
羅單龍扇六皆面繡雙單龍背銷金雙單龍餘
如鑾駕雙龍扇五色銷金龍燾十五色銷金龍
幟十金鉞星立瓜卧瓜吾仗御仗各六制如法
駕鼓二廣上銳下高一尺五寸上徑一尺二寸

下徑五寸八分餘制與撾鼓同笙二匏質黑髹
上置紫竹十有七管雲璈二架高二尺廣尺有
五寸懸銅琰十柄長五寸五分管二烏木質長
六寸八分九孔以蘆為哨銅點二鼓鈸四簫四
金鉦四大小銅角各八金二制同法駕金口角
八花梨木管長尺有二分徑一寸五分銅口如
小銅角徑四寸六分蒙古畫角六木質中空黃
髹繪金龍兩節銅飾金環上節長四尺四寸下

節長三尺五寸下安金口如小銅角長一尺六寸七分徑六寸七分垂五色采幡

凡儀駕之制

皇太后

皇后儀駕

大儀輿高七尺一寸五分廣三尺六寸五分深四尺八寸重頂高七寸五分上層八角下層四方均黃髹繪金雲垂以銷金龍鳳黃綺幃每角

飾以金鳳計十有二上安鈸花金頂嵌珊瑚青
金綠松等石柱高四尺九寸門端鏤金雲左右
牕榻繪金龍鳳中設黃髯寶倚直轅二各長丈
五尺二寸大橫竿二各長八尺一寸小橫竿四
各長三尺肩竿八各長五尺撐竿二各長二尺
九寸皆黃髯兩端飾金鳳首尾昇以十有六人

皇后繪飾均

用鳳文

鳳輿高三尺二寸廣三尺一寸深四尺九寸重

頂高八寸上層八角下層四方均黃髻繪金雲
垂以銷金龍鳳黃綺幃每角飾以金鳳計十有
二上安銀花金頂嵌珊瑚青金綠松等石柱高
三尺二寸輿座左右繪金龍鳳轅二各長丈有
七尺四寸輪高五尺均黃髻

輕輿二各高五尺四寸廣三尺深四尺一寸方
頂廣三尺八寸深四尺九寸高六寸均黃髻黃
綺為衣垂以重幃上安金頂中設黃髻寶倚直

轅二各長丈五尺六寸橫竿二各長六尺五寸
肩竿四各長五尺四寸撐竿二各長二尺八寸
皆黃髹昇以八人

儀輿二各高二尺八寸廣三尺二寸深四尺六
寸方頂廣四尺深五尺有七寸各高八寸均黃
髹黃綺為衣重幃絳裏上安金頂柱高三尺六
寸轅二各長一丈六尺輪高四尺皆黃髹拂塵
二朱髹為之柄長二尺六寸八分金提鑪二金

香合二金洗一金水盂一金餅二均赤金質釵
龍鳳山水珠火嵌珊瑚青金綠松等石八角盤
方几繪金龍鳳文餘與法駕鹵簿同金交倚一
木質髹金廣二尺二寸深一尺後高三尺前高
餘制並同前黃背嵌釵金龍鳳髹金足踏一金
方几一木質髹以金繪雲鳳高尺有四寸五分
方尺有八寸五分面飾釵金角雲九鳳曲蓋一
冒以黃綺垂三檐檐各繡彩鳳三餘制與法駕

九龍曲蓋同九鳳直柄繖十五色各二柄長丈
有五寸餘制與曲蓋同黃綺直柄花繖四三檐
各繡寶相花紅方繖四頂方五尺用絳綺垂三
檐餘制並同前黃龍鳳扇四高二尺三寸廣二
尺四寸以藍羅繡龍鳳柄長丈有九寸合竹朱
髹紅龍鳳扇四制如之黃雉尾扇四紅雉尾扇
四各高二尺三寸廣尺有九寸均用絳羅繡雉
羽竹柄黑髹餘制如龍鳳扇金節二以黃素紗

繡五色龍鳳上安銅鸞項鉤攜天盤內綴朱髦
攢竹為竿長丈一尺二寸五分龍鳳旗十以五
色雲綺為質長四尺五寸廣五尺四寸各繪金
龍鳳一薰竹為竿均朱髹長丈有四尺九寸卧
瓜立瓜吾仗各四制如法駕

凡儀仗之制

皇貴妃翟輿一高四尺七寸廣三尺深四尺重頂
廣三尺七寸深四尺八寸高一尺二寸六角下

層四方均黃髹飾金翟鳥十上安金頂黃綺為
衣垂檐二重轅二長丈五尺二寸橫竿二長六
尺一寸五分肩竿四長四尺七寸五分皆朱髹
舁以八人翟車一廣三尺深四尺七寸柱高三
尺三寸五分頂廣三尺九寸深五尺六寸高一
尺二寸轅長丈六尺六寸輪高四尺八寸黃髹
帷用黃雲綺垂檐二重上安金頂輕輿二輿幃
黃雲綺餘與前輕輿同拂塵二朱氂為之柄長

二尺六寸兩末鈹金翟鳥首尾金提鑪一舉以
朱竿兩末雕翟鳥首尾塗金香合一洗一水盂
一餅二均金質鈹翟鳥花草雲文金交倚一金
方几一制如儀駕不繪金鳳七鳳曲蓋一頂徑
五尺冒以黃綺垂三檐上下檐各繡彩鳳二中
檐繡彩鳳三攢竹朱柄長丈有一尺餘如九鳳
曲蓋寶相花繖六黃絳青綺各二垂三檐各繡
寶相花直柄長丈有一尺餘同曲蓋瑞草繖四

冒以絳綺者二冒以青綺者二各垂三檐繡瑞
草餘制同花繖雉尾扇四青絳羅各二高二尺
三寸廣一尺九寸周繡雉羽黑髯合竹柄長丈
有九寸金黃雲綺素扇二高二尺三寸廣二尺
三寸五分合竹朱柄長丈有五寸五分紅雲綺
黑雲綺素扇各二制如之金節二以紅素紗繡
五色采鳳餘制與儀駕金節同金鳳旗六金黃
青絳雲綺各二制如龍鳳旗赤黑素旗各二皆

素雲綺為旗立瓜卧瓜吾仗各二制均如前○
貴妃曲蓋車輿色用金黃無素方扇金黃鳳旗二
餘制一如

皇貴妃○

妃采仗翟輿一輕輿一車一拂塵二鑪一香合一
洗一水盂一餅二交倚一方几一金黃七鳳曲
蓋一金黃青絳綺繡花繖各二青絳素雲綺扇
各二金節二青絳雲綺金鳳旗各二卧瓜立瓜

吾仗各二諸制皆同

貴妃儀仗惟鑪合等器均銀質輕輿廣二尺七寸
深三尺七寸高四尺五寸頂廣三尺五寸深四
尺五寸上高五寸轅二長丈四尺肩竿長五尺
舁以四人輿頂車頂皆銅質飾金○

嬪采仗無拂塵無青色花繖二素扇二鳳旗二餘
制與

妃同

皇太子儀仗畫角十有二捆鼓二十有四大小銅
角各四金二金鉦二杖鼓二拍板二龍頭箏二
金黃綺繡九龍曲柄蓋一紅曲柄蓋二青黃直
柄繖各二紅瑞草繖二青赤方繖各二青赤雙
龍扇各二青赤孔雀扇各四白澤旗二金節二
羽葆幢二傳教幡告止幡信幡絳引幡各二儀
鎗二黃赤白青黑龍燄各二豹尾槍弓矢儀
刀各十仗馬八立瓜卧瓜金鉞星吾仗各四五

色龍幟各二拂塵二金鑪二金餅二金香合二
金水盂一金盆一金髻方几一交倚一足踏一
金輅一高一丈二尺二寸九分濶八尺九寸輅
上平盤版前後車檣並雁翅及四垂如意滴珠
版其下轅二條皆朱髹轅各長一丈九尺五寸
用抹金銅龍頭尾龍鱗葉片裝釘前施朱色馬
搭攀皮二條平盤左右下護泥版及車輪二貫
軸一每輪十有八輻皆朱髹周圍輞全各以抹

金釵花葉片裝釘輪內車心各以抹金銅釵蓮
花瓣輪盤裝釘軸首左右各用鐵轄拴一以抹
金銅釵龍頭管心裝釘軸中纏紅絨駕轅等索
輅座去地三尺五寸輅亭高六尺二寸朱髹四
柱各長五尺六寸檻座高六寸其上四周雕木
沉香色描金雲版十有二下同門高五尺濶二
尺三寸左右門濶二尺三寸前左右各榻二扇
後榻三扇明欵全皆朱髹以抹金銅釵花葉片

裝釘榻編金黃線絛穿朱髹匡軟座金黃線墜
座大繩四條座下蓮花墜石軟座上施花毯秋
香色金綺褥並席朱髹坐倚一靠背雕沉香色
描金雲龍一倚圈餞金雲龍下雕朱髹雲版一
福壽版一並衣倚中秋香色金綺坐褥四圍倚
衣全周圍施秋香色綾幃幔或用秋香色線羅
亭外用青段緣邊朱簾十扇拽簾圓絛二條黃
銅圈全輅頂圓盤高二尺七寸鍍金銅蹲龍頂

並仰覆蓮座高一尺五寸垂攀頂紅絨繩四條
盤上下朱髹以青飾輅蓋承以朱髹木匡寶蓋
頂為八方冒以秋香色段頂心周圍繡五彩雲
龍天輪三層皆朱髹上安雕木貼金龍耀葉版
七十有二間繪五彩雲觀版七十有二盤下周
圍黃銅裝釘上施秋香色段瀝水三層每層七
十二摺門繡五彩雲龍文四角垂青段絡帶四
條繡五彩雲升龍三圓盤四角連座版用攀頂

金黃線圓繚四條並貼金木魚輅亭前一字闌
千一扇後一字帶轉角闌千一扇左右闌千二
扇內嵌絛環版皆朱髹四扇計十有四柱柱首
各雕木貼金蹲龍一用描金五彩蓮花抱柱闌
千內布素毯並席太常旗二面在輅亭後左右
用秋香色雲段夾為旗每面十有二旂每旂內
外繡升龍一朱髹攢竹旗竿左旗腰繡日月北
斗竿首用抹金銅龍頭右旗腰繡敝字竿首用

抹金銅戟每竿綴抹金銅鈴二垂紅纓十有二
上施抹金銅寶蓋下垂青線帔幘踏梯一行馬
架二均木質朱髹以抹金銅釵花葉片裝釘秋
香色布面絹裏幘衣油紬雨衣各一油合扇梯
托扞各一馬鞍韉鞵轡鈴纓全龍轎一面濶二
尺九寸深三尺九寸高五尺掃金重頂頂濶三
尺五寸五分深四尺六寸重頂八方每方濶一
尺五分高一尺三寸秋香色素綾銷金龍瀝水

二層直轅二各長一丈七尺七寸大橫竿二各長九尺四寸小橫竿四各長二尺九寸肩竿八各長五尺七寸撐竿二長二尺六寸均朱髹轎頂飾金龍十有二金頂釵龍文嵌珊瑚青金綠松等石轅竿均裝抹金銅龍頭尾全秋香色布幪衣油紬雨衣氈頂各一

親王儀衛明轎一廣二尺二寸深尺有八寸高三尺三寸地平廣二尺二寸深二尺九寸均施

羊肝漆灑金轅二長丈五尺橫竿二長六尺二寸肩竿四長五尺均朱髹飾金昇以八人暖轎一廣三尺深四尺高四尺七寸頂廣三尺七寸深四尺八寸高一尺二寸金黃蓋檐紅幃銀頂轅竿與明轎同絳繡曲蓋一頂徑五尺冒以緋羅垂三檐繡五色龍五攢竹竿長九尺五寸絳繡花緞二用緋羅繡四季花直柄長九尺餘與曲蓋同赤銷金緞二用絳羅銷金瑞草餘同繡

繖絳繡扇二廣二尺三寸五分高二尺三寸面
背皆緋羅繡四季花合竹朱柄長九尺二寸孔
雀扇二用皂羅面繡孔雀餘如絳繡扇豹尾槍
四攢竹朱竿長八尺一寸繪金雲龍上安飾金
槍首冒朱鞘繪五采龍文垂朱髦下懸豹尾儀
刀四柄長三尺五寸鍍金玲瓏飾綠皮鞘旗槍
十攢竹朱髻竿長八尺繫雲紵絲旗各如本旗色長
三尺廣一尺三寸上安鐵槍如豹尾槍制大燾

二三角長三尺三寸斜長七尺五寸條燾二長
二丈廣二尺四寸五分均各以本旗之色用雲
綺為旗緣以絳綺火焰邊繪金雲龍薰竹為竿
朱髥長丈四尺上安銀飾金頂垂朱髥骨朶四
各長七尺攢竹朱竿朶首刻木為香草六瓣旁
珠綴如星承以龍首立瓜四攢竹朱柄長五尺
三寸刻木為瓜立置於上卧瓜四柄長五尺五
寸以瓜卧置竿首吾仗四攢竹朱髥長七尺○

郡王絳繡曲蓋一用絳羅繡龍四赤銷金繖二
絳繡扇孔雀扇各二條纛二旗槍八豹尾槍二
儀刀二立瓜卧瓜骨朶吾仗各二制與親王同
○固倫公主暖轎一金黃雲綺蓋紅雲綺幃紅
緣蓋角金黃雲綺垂檐銀頂餘制與親王同朱
輪車一幃蓋及檐銀頂均與暖轎同絳繡曲蓋
一以絳紵絲繡寶相花餘制與親王曲蓋同絳
繡寶相花繖二直柄餘如曲蓋孔雀扇二高二

尺四寸五分廣二尺二寸用絳羅繡孔雀合竹
朱柄長九尺二寸青花扇二以皂羅繡四季花
文餘制同孔雀扇迴避纛二黑雲綺三角薰竹
為竿長丈有三尺上安飾金頂垂朱髦骨朵立
瓜卧瓜吾仗各二制均如親王○和碩公主無
寶相花扇車轎紅綺幃金黃蓋角制與固倫公
主同世子以下及郡主儀衛自備充用皆不由

部製造

詳見
禮部

凡恭遇

皇帝躬祭

壇廟應備

御拜位黃幄次更衣大次及

御榻屏几均由部先期委官及內監陳設

凡元正各

宮殿門神對聯於十二月二十六日部委官張掛

二月初三日徹出貯庫

凡

壇廟宮殿鋪設椽薦由內務府太常寺移咨各按尺寸

用江南解送細椽成造

凡

宮殿各門鍍金銀鎖鑰檐端門面所用塗金銅釘

諸櫺扉施用龍葉金鋪以及累恩門環簾鉤之

屬隨時成造

凡各

宮殿門牕所懸氈簾竹簾每歲冬夏委官更易遇
有修造部會內務府都察院確勘分別疏請修

理

凡

賞賜督撫提鎮蟒段朝衣鞍轡橐鞬卓異官朝衣采
服會試主考同考官裏金銀花文武狀元朝衣
絨冠甲冑佩刀鞶帶欽天監博士狐皮端罩天
文生羊裘各學教習袍帽鞞襪均由部造給

凡

賞給喀爾喀等處金銀茶筭茶碗朝鮮琉球安南等國來使袍服鞍轡氊革之屬照例造給

凡鹵簿儀仗采繡金綺均繪圖行江蘇織造依式製成解部至備造一應器用所需珠寶金銀銅鐵皮革綺紵絹布顏料皆於內務府戶部支取應用

凡製造庫匠役分為五作銀作之屬十有二工

匠五十八人鍍作之屬九工匠百四十四人皮
作之屬十有三工匠一百十有二人繡作之屬
五工匠八十人甲作之屬八工匠三十八人
總五作之屬計領催十有五人工匠四百二十
五人領催工匠各有食糧種地之別食糧領催
七人各月給銀二兩歲給食米三十斛按四季
支給食糧工匠二百九十人米與領催同銀半
之種地領催八人月給銀視食糧領催歲給米

四十二斛二斗三季支給種地工匠百三十五人給銀視食糧匠役米亦分三季支給每名歲給米二十一斛樓軍二十三人月各食米三斗門簾二庫各領以內監一等二人每季各給銀四兩五錢二等十有六人每季各給銀三兩米均一斛四斗工匠之屬五十計百六十一人各月給米一斛二斗五升四季支給庫役各三人每人月給米三斗所需銀米皆按月按季冊咨

戸部給領

欽定大清會典卷七十七

欽定四庫全書

欽定大清會典卷七十八

盛京戶部

侍郎一人掌

盛京賦稅之出納其屬經會司郎中一人員外郎
一人主事一人糧儲司郎中員外郎各一人主
事二人農田司員外郎二人主事一人銀庫郎
中一人員外郎一人堂主事二人司庫二人掌

官莊六品官二人筆帖式二十三人內倉監督
正副各一人

凡官莊糧莊百十有八所分四等一等莊十有
二所每莊歲輸米三百八十二石二等莊二十
所莊三百五十二石三等莊三十七所莊三百
有七石四等莊四十九所莊百九十二石棉花
莊五所每莊歲輸棉七百斤鹽莊三所每莊歲
輸鹽萬二千斤由部歲於秋成時奏請

欽簡在京部院堂官一人詣

盛京會視收納以供

陵寢祭祀及廩餼芻茭之用餘米輸內倉存貯

凡旗地

興京遼陽復蓋平寧海開原等州縣錦州府寧遠
義二州廣寧縣及牛莊岫巖鳳凰熊岳等城旗
丁限田五萬六千四百七十六頃七十四畝九
分輸草豆者二萬一千九百八十頃七十七畝

有奇每六畝歲輸豆一升七合七勺草一束輸
米者三千八百六十頃二畝有奇每六畝歲輸
米二升六合五勺五抄又錦寧遠廣寧義四州
縣官莊餘田七千七百二十頃四畝有奇招旗
丁耕種定上中下三則歲分半輸豆輸銀各三
千八百六十頃二畝有奇上則每畝豆一斗三
升四勺三抄有奇銀三分中則豆八升六合九
勺五抄有奇銀二分下則豆四升三合四勺七

抄有奇銀一分令各城守尉徵收解部充用

凡儲積錦縣寧遠州儲米各十萬石遼陽州廣寧縣半之承德海城蓋平鐵嶺開原五縣復義二州各四萬石寧海縣半之歲以三分出借平糶七分存倉侍郎會奉天府尹稽其出入

凡廩給官役在

盛京及國戚子孫年十有八許其守護

陵寢者計月授楮三旗牧副牧人計月授食各給銀有

差京差官兵採取物產吉林黑龍江以北人戶
移家入居內地本部及各官署夫役廚匠各給
鹽米有差

凡賞給服物

三陵官署執役軍校廚匠飼牲人歲給春秋衣三歲給
冬裘獵取虎皮送部官兵賞布帛黑龍江以北
入貢貂皮水獺皮官役及各寺廟喇嘛番僧賞
帛絹紗布均移戶部領取

凡供給物用

三陵殿宇及

宮殿牕櫺表飾各官署寺廟歲需諸色紙及銀硃

均由部關支

凡支給芻茭

三陵供祭牛羊京差來東採取物產官兵往來乘馬吉

林黑龍江以北官兵人戶移家內地所乘馬牛

發往吉林屯田耕牛歲獵虎鹿等獸運送

京師車牛均部給草豆

凡撫卹流人流徙

盛京寧古塔等處發驛站官屯當差及為奴各犯
釜碗柴薪護送兵車及出威遠堡驗票均移所
司發給在道口糧及發吉林屯田者既至徙所
牛種耕具均由部關支

凡奏銷每歲賦入米穀菽麥禾麻鹽棉及移取
帛布絹紗硃楮柴薪器皿動用之數均四時冊

報歲終彙疏聽戶部覈銷

盛京禮部

侍郎一人掌

盛京朝祭之禮儀其屬左右二司各郎中一人員
外郎二人堂主事一人讀祝官八人贊禮郎十
有六人筆帖式十人管千丁六品官一人七品
官一人

凡恭遇

萬壽聖節元日長至朝賀之禮是日內務府官詣

崇政殿啟扉拂拭

御座本部官恭設香案於

殿外正中黎明將軍五部侍郎率所屬官并按旗
分左右翼於丹墀內列班奉天府尹丞治中通
判京縣等官從右翼東班西上西班東上咸朝
服行三跪九叩禮

凡

陵寢之祭清明孟秋望冬至歲暮四祭

福陵

昭陵忌辰均由部列承祭宗室官職名咨太常寺轉奏

候

旨分遣行禮十月朔日

永陵總管行禮每月朔日

永陵掌關防官行禮

福陵

昭陵均宗室官行禮

萬壽聖節祭

福陵

昭陵同清明孟秋望冬至歲暮祭

壽康太妃

懿靜大貴妃園寢掌闕防官行禮○祭品移取庫帑以備犧牲及米鹽菌蕨皆供自

盛京戶部飼乳牛以取乳及乳酥皆供自兩翼牧場設田園魚泊任壯丁以藝菽麥時瓜果畜魚

羅堆祭則供其物奉先制帛香蠟及時果飴品
產於

京師者每歲秋由太常寺齎送貯庫以時供祭
奉先殿及畿輔

陵寢供祭歲取

盛京所產嘉魚嘉果遣官敬送所司

凡祠廟之祭春秋二仲祭

長白山神以吉林將軍或副都統承祭部遣讀祝贊

禮郎前往襄事

萬壽聖節及仲秋祭

盛京城隍之神以本部侍郎承祭犧牲果品移取
盛京戶部庫帑供備香帛菱芡由太常寺齎送

春秋祭

賢王祠以奉天府尹承祭祭品府尹供備

興京

盛京

勅建寺廟歲各致祭香蠟之需及僧道歲給米鹽衣服各有定數均移

盛京戶部工部內務府分給

凡貢使饋遺朝鮮國入貢使臣往來取道

盛京官有饗餼役有廩給馬有芻秣黑龍江以北
入貢貂皮獺皮官役賞以冠帶袍襪及廩餼芻
糧均由部行所司支給

--	--	--	--	--	--	--	--

盛京兵部

侍郎一人掌

盛京武備及郵驛邊防之政其屬左右二司各郎
中一人員外郎二人主事一人堂主事二人筆
帖式十有二人

凡簡稽軍實每三年侍郎率其屬驗

盛京五部及將軍各屬官兵甲冑器械毋有不整
以次驗北路東路南路西路事竣具疏以

聞

凡監射

盛京各旗官春秋會射據將軍咨屬官監視稽
其不至者

凡驛遞自

盛京西至山海關設驛十有七東至

興京驛四南至朝鮮驛八東北至吉林黑龍江驛

三北至法庫邊門驛二馬共九百九十有疲瘠

者十匹歲易三匹車和雇以應役每里銀一分
往來乘傳者車馬廩糧內據兵部外據吉林黑
龍江將軍文移給之所需帑金於

盛京戶部移取歲終以廩糧冊送戶部以車數冊
送兵部均察覈奏銷

凡驛官自

盛京至山海關總設管理官一人至

興京吉林黑龍江法庫門朝鮮總設管理官一人

每驛設丞一人站丁無定額管理官於

盛京五部司官選補三年更代部會

盛京戶部察覈賢能者保奏咨吏部升用不稱職者糾叅丞由管理官於站丁內遴選部會錦州副都統履選咨吏部注册序補站丁每三年編冊送戶部

凡倉庫官遼陽州蓋平開原二縣錦州府寧遠州義州廣寧縣及牛莊城各設倉官一人由部

會

盛京將軍四部侍郎於筆帖式內遴選有行檢操
守者擬正陪送吏部引

見補用五部設庫使二十六人由禮部考取官學生
咨部注冊以次序用

凡考取筆帖式

盛京

陵寢及將軍衙門五部外城邊門設筆帖式三十六人

由部集應考者分清字繙譯考取遇員闕不拘
旗分依考取次序送吏部引

見補用

凡關門禁防山海關及各邊門官民往來出入
均由部予印牒守者驗實迺準經行

盛京刑部

侍郎一人掌

盛京旗民之獄訟其屬肅紀前司郎中一人員外郎二人主事一人肅紀左司郎中一人員外郎二人主事一人肅紀右司郎中一人主事一人蒙古主事二人肅紀後司郎中一人員外郎一人主事一人堂主事二人贓罰庫司庫一人漢司獄一人筆帖式三十一人

凡讞獄

盛京所屬旗人訟者所在理事官讞之旗民交訟者所在理事官會州縣官讞之輕者判斷省釋重者送部侍郎會奉天府尹共讞之邊外蒙古訟者侍郎會該扎薩克之副台吉共讞之皆依律定擬按罪之輕重以別咨題由法司覆覈題結與直省同

凡秋審每歲秋侍郎總本部及奉天府讞定重

囚會

盛京戶禮兵工侍郎奉天府尹巡察御史虛公詳
慎分別情實緩決可矜疑冊送刑部

凡審斷私採人參部會

盛京將軍及管轄威遠堡六邊侍郎奉天府尹按
參數輕重律擬定罪

--	--	--	--	--	--	--	--

盛京工部

侍郎一人掌

盛京營作之事其屬左右二司各郎中一人員外郎二人主事一人堂主事二人四品官五品官各一人六品官二人司庫二人司匠一人筆帖式十有七人

凡土木工作

陵寢殿宇遇有修葺據掌關防官移文城垣據

盛京將軍

宮殿

壇廟據內務府公廨倉庫據所司各移文度物用計工
直移工部會覈竣覆到移取

盛京戶部庫帑庀材鳩工工竣疏報冊送工部覈
銷

盛京城在瀋水之陽周九里三百三十二步高三
丈五尺厚一丈八尺雉堞六百五十有六堞高

七尺五寸譙樓八角樓四東南西北各門二東
曰撫近曰內治南曰德盛曰天祐西曰懷遠曰
外攘北曰地載曰福勝濠廣十有四丈五尺周
十里二百有四步關城周三十二里四十八步
高七尺五寸四面門各二南曰大南關小南關
北曰大北關小北關東西如之東南隅水關二
瀋水經焉○

宮殿之制



正殿曰崇政殿左右翊門二殿廷南正門曰

大清旁曰東西角門門外左右奏樂亭二廷左

飛龍閣右

翔鳳閣殿北

鳳凰樓前東

師善齋南

日華樓西

協中齋南

霞綺樓

鳳凰樓北

清寧宮東

衍慶宮

闕睢宮西

永福宮

麟趾宮

崇政殿東

頤和殿北

介祉宮又北

敬典閣

崇政殿西

迪光殿北

保極宮又北

繼思齋又北

崇謨閣繚以垣南北八十五丈三尺東西三十二

丈二尺垣南左闕曰

文德右闕曰

武功

崇政殿東垣之東

殿曰篤恭廷左右各列亭五為諸王大臣議政之處別繚以垣垣前列奏樂亭二○

壇廟之制

圜丘在德盛門南周百有十丈南三門東西北各一門

太廟在撫近門東正殿五間前殿三間南大門三間東

西門各一間正殿後房六間○

陵寢之制

永陵在

興京城西北十里

啟運山

寶城周十有五丈四尺前饗殿三間曰

啟運東西廡各三間外為紅門繚垣四十二丈七尺

碑亭四

福陵在

盛京城東北二十里

天柱山

寶城周五十九丈五尺前為方城明樓樓前饗殿三間

曰

隆恩東西廡各五間門名與

殿同門外碑亭一又外為紅門繚垣六百十有一丈

五尺西為

壽康太妃園寢

昭陵在

盛京城西北十里

隆業山

寶城周六十一丈三尺繚垣五百七十丈二寸餘與

福陵制同西為

懿靜大貴妃園寢遇應修葺據掌關防官來文興

工○公廨之制

盛京將軍署在德盛門內之東其北奉天府尹署
南為戶部又南禮部又南工部又南奉天府儒
學刑部在天祐門內之西其南兵部其東府通
判署其西試院次西府丞署南承德縣署迤西
典史署撫近門外南治中署北經歷署外攘門
內北稅課司教場在外城外西北隅
凡匠役設匠以供營造設千丁以供埏埴分領

以四品五品六品司匠等官應支米鹽移

盛京戶部支取分給

凡支給柴薪守護

三陵官役及各官署執事人廚役匠役守顯佑宮道士

歲給

盛京禮部修治果品及

京師遣來匠役月給職官兵丁

內府差役外國貢使及

三陵犧牲驛遞馬匹日給各有定數至修造屋宇苫蓋
之用罪犯炊爨並按定數移取

盛京戶部庫帑買給歲終移工部覈銷

欽定大清會典卷七十八